

大明會典

大明會典卷之二百八

工部二十八

南京工部

建置見吏部官制

管繕清吏司

凡

內府衙門及

皇城門鋪等處損壞。南京內守備并內官監等衙門。或奏行。或揭帖到部。工程大者。委官會同相計修理。物料於各局窯丁字庫支用。不敷於屯田司支蘆課抽分等銀。令上元。江寧二縣鋪行辦納。工食於貯庫班匠銀內動支。幫工軍士外

守備差撥。隨操起住。若工程不多。本部自行修理。

凡門禁城垣損壞。留守等五衛。把守官軍預於本衛立窯燒造甃瓦。及砍收江北新生爛泥官洲蘆柴。兵部撥給馬船運至瓦屑壩窯堆垛預備燒灰。自行修理。其外羅城損壞。滄波門北至上元門。并江東門城樓。隸本部。滄波門南至鳳臺門。分隸鎮江寧國太平廣德等府州。鳳臺門西至馴象門。隸應天府。各出備工料修理。○正德十一年。以鎮江等府州赴京修理不便。令錄

江寧國一府各出料價銀二百三十兩。夫價銀一百五十兩。太平府廣德州各出料價銀一百七十兩。夫價銀一百兩。俱年終解部。委官帶修。凡南京

皇城官殿傾圯。

累朝以來。止行護守。不許修飭。○嘉靖十三年。南京

太廟壞。令高築圍牆以護原址。所司時加巡守。○萬曆三年。以南京

武英殿奉有

二祖御容。

奉先殿。大庖廚。歲時薦享。及

內府各庫。光祿尚寶六科。監局各衙門。

皇牆禁城等垣。

東安東華等門。宿衛等房。俱有干係。議准漸次修

理

凡

孝陵殿宇等處損壞。

孝陵神宮監奏行本部會同內外守備內官監等官

相計。本部出辦物料工食修理。周圍牆垣。永樂

間題准每五百丈料計一次修完又行接續料計修理其執瓦石灰夫匠該監燒造起撥惟竹木於龍江瓦屑壩二抽分局關支

凡泗州

祖陵鳳陽

皇陵并白塔

壽春等王墳。

皇城等處損壞守備鳳陽太監等官奏行本部委官會計修理做工夫匠於鳳陽所屬州縣并中都留守司屬衛起撥物料遇有關支無則買辦

工程大者分派湖廣江西福建等布政司應天
蘇松等府州辦解。工程小者量派本府衛縣和
等州協濟。裝運船隻南京兵部撥取。夫匠口糧
鳳陽倉關支。

凡

天地壇。

帝王廟。功臣廟。

先師孔子廟。大報恩寺。朝天宮。神樂觀。蔣卞等廟。
南京太常寺。國子監等衙門損壞。或奏行。或移
文到部。委官估計。會辦工料修理。

凡南京大小衙門損壞俱申達本部。工程大者具奏修理。委官監督。工完將用過物料工程數目開報。以備查考。○嘉靖七年奏准。今後不係十分重大緊要工程。不許撥軍機料做工。○隆慶四年題准。南京各衙門公宇牆垣損壞坍塌。係小修者。聽以本衙門無礙銀兩自行修理。如滿百兩。照例題知。若衙門原無公費。及應該大修者。徑自題行工部。覆行南京工部。會計興工。修完造冊奏繳。

凡南京各衛倉。專設主事一員。提督修理。遇有

損壞開報本部計料興工。其工料先年俱本部
○弘治十二年題准將各倉折席價銀并
查盤過不堪竹席變賣銀兩及各納草價餘銀
收貯應天府庫專備遞年修理倉場之用

凡南京刑部都察院送到問擬運輓運炭等項
囚人本部委官照原問罪名收料完足出給實
收連人送司仍送各該衙門發落○正德元年
奏准囚人審有力者送戶部軍儲倉納米

凡南京刑部都察院送到做工囚人撥各窯做
工滿日仍送回原問衙門完卷各司同

凡本部各色班匠。江西布政司起送三萬九千五百五十五名。湖廣一萬三千二百四十四名。福建六千八百九十六名。

凡南京各監庫人匠。嘉靖七年。奏革額外添設者。并革上元江寧二縣折夫銀兩。應該優免民匠。照軍匠事例。准免二丁。○八年。奏准南京內官監食糧軍民人匠一千九百名。揀選藝精者四百名。送監應用。不許巧取雇工銀兩。後有朦朧奏討。該部不許依阿擅與。如違。聽科道官指實。來奏處治。

虞衡清吏司

凡湖廣浙江廣西三布政司及應天府每歲解到活鹿天鷲俱送南京光祿寺交納○成化二十二年奏准活鹿每隻折銀一兩七錢天鷲每隻折銀五錢徵解南京光祿寺收買供應○弘治元年南京光祿寺奏准原產有司府州縣照舊採捕解納○十二年奏准仍徵價銀活鹿每隻銀二兩天鷲每隻照舊五錢

凡四川布政司歲辦白毛生硝麂皮一分本色一分折解生漆一分折解熟鐵俱送南京丁字

庫交納

凡福建廣東廣西歲辦毛硝麋鹿雜皮一半解
本色送南京丁字庫收貯備南京兵仗局前廠
會造襖帽一半折造胖襖褲鞋解部驗中轉發
南京乙字庫收貯聽取類解○嘉靖十六年議
准折造胖襖褲鞋皮張自今以後五年每十副
內折徵五副每副價銀一兩五錢解部聽收
凡南京兵仗局前廠每年成造毛襖狐帽八百
八十件箇俱轉送南京乙字庫交納○正德十
三年以襖帽係天文生關領所用數少令以十

分為率五分徵造本色襖帽發庫備用。五分行
福建廣東廣西三布政司折徵價銀解部。○嘉
靖二年以見在毛帽數多胖襖不敷支用。令三
布政司每年將原折五分價銀買料成造胖襖
褲鞋解部。及將聽取五分本色襖帽折銀解部
轉辦以備胖襖不敷相兼支給。候在庫襖帽支
盡議解本色

凡南京兵仗局前廠原額軍民匠三百六十七
名。其後軍匠收補太濫嘉靖九年清查裁減過
半。除民匠外仍留六百三十四名。著為例

凡南京兵仗局前廠成造軍器每五年一次計料。每季全造一萬九千七百六十七件。完日會官試驗奏報。

硃紅油貼金勇字鐵盔一百五十頂

硃紅漆貼金勇字皮盔二百頂

硃紅油貼金勇字牌手鐵盔五十頂

併鎗馬赤甲四百副

黑漆二意角弓三百四十張

弓弦六百八十條

明素油撒袋三百四十副

黑漆鞘靶腰刀三百四十副

黑漆透甲鐵箭射馬鐵箭共一萬七千五十枝

硃紅布漆攢竹桿馬鎗一百條

硃紅布漆攢竹桿旗鎗一十條

硃紅布漆鍍水銀獅子頭團牌五十面

斬馬刀五十把

歲減者各造半數

○弘治十六年令減半造後又添修

皇城各門正陽等十三門新江口浦子口兌換軍器每季各三千件○嘉靖四年令鑄朗機銃砲

七十四副。給各門及新江口操備。

凡南京操守軍士弁

皇城等門。新江口等處。兌換軍器。俱南京軍器局
成造修理。本部司官一員提調。收放錢糧。支給
工食。稽察奸弊。

凡南京營操。關用鳥銃鞭銃。每年操備。合用火
藥三千三百四十一斤四兩。藥線三萬一千三
百二十條。大木馬子八千六百四十箇。小木馬
子一十三萬五千箇。竹翎銃箭九萬枝。嘉靖二
十年題准本部每年一次料造。放支演習。

凡直隸安慶徽州二府解到歲造糧長勘合紙
二千九十七張底簿中夾紙三百八十一張送
南京戶部交納

凡直隸寧國府解到歲造酒稅一十萬箇送南
京光祿寺交納嘉靖七年奏准止解一萬五千
箇

凡南京尚膳監等衙門裝進

薦新品物瓦罈瓦罐一千九百二箇本部三年一
燒造

凡各衙門供應缸隻并染練琉璃缸嘉靖十一

年題准。俱免派料燒造。動支官銀。召商買辦。瓷缸送用。

凡南京琉璃窯。甃瓦萬曆元年。奏准行南京內官監。將黑沙洲租銀二百兩。盡數採辦。發該窯燒造。以備修理。

宮殿等用。年終開報本部稽考。黑窯合用蘆柴。於蘆課銀內折支。

凡南京內官監支用石灰。瓦屑等。四窯燒造。本監督人匠採石。本部撥囚犯幫工。瓦屑壩窯。歲燒五十萬斤。東上東下二窯。各三十萬斤。西民

窯三十萬斤○嘉靖八年奏准幫工囚犯審係
稍次有力者照徒年限每名每月令出銅錢一
百二十文專委司官置簿交記以備牒價

都水清吏司

凡南京橋道水洞損壞坍塌本部委官相計修
理

凡南京錦衣等衛大小黃船俱本部委官五年
一修十年一造內在京師河下聽用者遵奉

欽限修造在各衛者遇該修則徑自相計興工遇該
造則奏行覆查候再奏得允然後計料改造○

正德十四年奏省覆查回奏

凡南京新江口戰巡等船俱本部五年一修。十年一造。合用物料如遇缺乏。坐派直隸蘇松等府州解用。南京中軍都督府差撥官軍協同各船旗軍。龍江提舉司官吏匠作供役。合用工食。于本部雇工班匠。或蘆課銀內支給。仍添設本司主事一員。於龍江提舉司督理修造。

凡南京錦衣等衛快船損壞。弘治以前本部委官相勘明白。每隻給銀七十兩。令該衛官軍打造。後定本部給銀一百五十兩。南京兵部給銀四

十五兩。共一百五十兩。南京兵部委官督造。其底船釘板。一部會估變賣。定以十兩資助本船。打造工食。餘價以三分為率。本部收二分。兵部一分。各於該給之數扣除。

凡每年包裹

御覽等曆。銷金包袱。合用柘黃線羅。行南京織染所織造。送用。

凡南京司禮監

神帛堂。額設機四十張。食糧人匠一千二百餘名。今存八百餘名。每十年一次料造。共該帛一萬。

三千六百九十段。每帛一段用串五細絲一十七兩。共該絲一萬四千五百四十五斤十兩。并白榜紙降真香等料。本部委官料計支給。如遇缺乏。行應天府支天財庫銅錢。令鋪戶辦納。○嘉靖六年。應天府奏准。絲料於南京丙字庫所貯支用。尋復舊。

凡浙江等布政司直隸蘇松等府。歲造段疋。蘇木。差人赴部轉送南京丁字庫關領。南京司禮監關填勘合。南京戶部北號。南京兵部起關應付。年終本部具數造冊奏繳。

凡南京內織染局額設機三百餘張軍民人匠三千餘名。每十年一題料造進。

官各色絹布五萬疋。內開生絹染練生熟絹二萬疋。南京承運庫關支白布一萬六千疋。苧布一萬四千疋。南京甲字庫關支合用物料蘇木。南京丁字庫關支靛青。紅花。烏梅。小粉。槐花。明礬。五倍子。俱行上江二縣召買。嘉靖十四年以後七年一題。隆慶四年仍舊以十年為例。○本局織造文武官員。

詰利成。南京工部委官驗過。詰身細密。顏色鮮明。

花樣篆文合式。送南京印綬監裝裱。完日。具板箱。繩。套。索。扛。鎖。鑰。旗。號。紙。張。等。件。送。監。起。運。其織造合用絲料。并裝裱合用細白榜紙。金箔。葉。牙。象牙。瀉砂等料。俱本部支給。如遇缺乏。牙。玉。瀉砂。具題于工部關支。餘行應天府。支。天。財。庫。銅錢買辦。

凡雙馬。單馬。起關符驗。印綬監開數。移咨本部料計。轉行南京印綬監內織染局織造。

凡琉球國就學官生人伴衣服鋪陳。俱本司料造。

凡南京內官監成造

郊

廟宮殿門廡御道礮礮等處樓橐薦弁硃紅漆膠金
彩漆雲龍膳卓。

上用盛米竹籬。俱用篩簸烘籃焙籠等物料。俱本部
辦送。其膳卓物料。如遇缺乏。本部辦十分之二。
餘派直隸蘇松等十二府。廣德和二州解納。竹
籬等。仍具裝盛板箱木櫃送監起運。

凡

奉先殿硃紅漆供卓等件。本部每年一次修換。

凡

太廟。

孝陵歷代帝王揚王墳等處祭器并南京禮部太常寺

龍亭儀仗神樂觀樂器衣帽等件損壞俱本司修造

凡南京供用庫篩簸及進香稻竹籠。一年一造。孝陵神宮監進鮮苗嫩薑果品等物竹簍。二年一造。內官監進鮓魚鮮筍果品等物涼傘司苑局進薦新茅簍鮮藕等物竹簍俱三年一造。

神宮監司屯局薑棚葡萄架俱五年一造。各該物料本司派辦。

凡南京司禮監

神帛堂合用機張盆桶木架竹簾絡牀冬夏淨衣裝帛板箱各色羅絹布袂。

孝陵神宮監石碾磨油榨桶箕等件俱本司十年一次修造。內織染局木架盆桶瓦護朽等件供應機房機張織作房遮陽雨簷內官監鍼工局裝運鐵線生漆等料。內官長隨內使人等衣服鋪陳桶櫃板箱。

孝陵神宮監靛青廠清江門外靛園廠竹篾缸隻篾
簞等件并織染局馬頭礮礮損壞俱本司修造

凡

親王之國合用樂器祭器并樂舞生樂工衣服冠
袍內該一字欄紵絲紗只孫楊裙行浙江金華
府織染局織造。菴酒尊邊豆簋簠行江西浮梁
縣燒造。石磬行直隸鳳陽府採辦。餘俱本司料
造

凡

皇城銅符令牌合用皮套。

內府巡城五城夜巡牌套旗手等十三衛守衛牌
條牌櫃後湖查冊官生人等卓椅牀帳器物俱
本司料造

凡南京酒醋麪局裝酒瓦甌水竹箬葉俱本司
派直隸寧國太平等府燒造採辦南京光祿寺
封酒水竹箬石灰麥穗行應天府上元江寧二
縣買辦

凡南京錦衣等衛烏龍潭等倉斛斗升籌秤尺
等件損壞本部造完各倉領送戶部較勘印烙
應用

凡直隸寧國等府歲解菱苗茗簾并竹掃簾俱
送南京供用庫交納
凡南京鞍轡局歲造蠅拂蠟布包指等物守備
官差人齎至

御前進收

屯田清吏司

凡各處歲辦牛隻數目。本司類造文冊繳報
凡公侯伯并夫人造墳物料。俱本司出辦

凡南京惜薪司擡柴。洪武間定夫三千名。俱應
天府上元江寧二縣起取。○宣德間議准。止存

三百名常川於龍江瓦屑二處挑運柴炭○後
上元江寧二縣止差雇夫坊長其脚價勾容溧
陽溧水三縣出辦

凡龍江瓦屑壩二抽分竹木局抽分收貯放支
之事本司主事一員會同御史一員監督每月
朔望呈報本部年終造冊奏繳○成化十五年
奏准二抽分竹木局抽取在場竹木等物每年
南京工部都察院各委官一員會同監督抽分
官員查盤見數聽候領用變賣造冊奏繳局官
考滿事故交盤明白方許離任惜薪司柴炭供

應大庖廚照舊用潔淨雜木。其餘俱於所抽柴炭內支放。或朽爛木植內定數折支。各衙門造作該用物料。具印信領狀關領。不許冒支多派。○正德二年奏准。二抽分竹木局。遇到小樣杉條。折收價銀。補各衙門柴薪不足之數。○嘉靖四年奏准。抽取在場木植。三年一次賣銀。解工部貯用。○隆慶二年奏准。南京蕪湖抽分照依荊杭二處鈔關條件。每年置立印信文簿。十二扇內四扇發本地方。有司登記所抽料價。四扇該廠主事收掌。四扇填報。南京工部稽查該廠。

主事仍督同原委該府佐貳官抽驗登記

凡沿江蘆課本部委主事一員提督清理○景泰間奏准應天等處歲辦蘆稅以十分為率減免四分。三折鈔。三分本色。折鈔每束二貫五百文。每鈔一萬貫折收銀二十二兩五錢○成化九年。令於蘆稅三分本色內。以一半折銀。每束二分。俱送應天府官庫收貯支用。年終造冊具奏。其折納木柴者。每百斤折銀四分○弘治元年奏准沿江一帶蘆洲除

欽賜欽撥并內外衙門舊額及先年軍民人等開墾

起科納銀曾經黃冊造定者照依所撥納糧數
目定立界至給與明文管業其餘有人曾告承
佃而舊額洲場坍塌者即將新佃稅課依數湊
補本處舊額見在或有新生別洲許令撥補附
近坍塌不敷之數其瀟山太湖等縣不近大江
原無蘆洲而有稅額者准令每束折銀二分○
三年令蘆洲每束連腳耗徵銀四分○五年奏
准九江安慶每畝好蘆地科銀三分二釐稀蘆
地二分二釐池州好地三分五釐稀地二分五
釐應天揚州太平鎮江廬州和州等府州好地

四分。稀地二分七釐。各處每畝熟地三分五釐。軍屯熟地并灘田灘地各三分。低窪熟地二分五釐。荻草地二分。草塌一分五釐。草蕩一分。其起科納糧者免徵柴課。有願徵糧不願納課者聽。○嘉靖二十七年奏准。一應蘆洲除洪武永樂間。

欽賜功臣僧道等處不動外。其餘行巡江御史逐一查出。委官丈量明白。召民承佃。度地定課量收租銀十分之三。各該附近府縣徵完。係本部原額者照舊解部收貯支銷。多餘銀兩盡數解送。

戶部以充遣用

計各處歲辦蘆課銀

應天府上元等五縣江淮等巡檢司六千七百七十六兩四錢

龍江左衛一百六兩八錢三分四釐二毫
橫海衛一百四十六兩七錢七分九釐二毫
三絲七忽

江陰衛六兩五錢九釐三毫四絲二忽

水軍左衛五錢五分二釐

鎮江府金壇等三縣包港等巡檢司三千一

百九兩六錢六分八釐二毫四絲一忽

太平府繁昌等三縣三山等巡檢司二千九

百五十一兩二錢二分一釐六毫九微

揚州府儀真等三縣舊江口等巡檢司一千

三百二十三兩四分四釐八毫二絲五忽

三微一杪

安慶府懷寧等六縣小孤等巡檢司三千三

百七十七兩三錢三分三釐五毫八絲三

忽六微

安慶衛七百三十五兩一分三釐一毫八絲

七忽四微

廬州府無為州泥汊河巡檢司二千三十五兩二錢三分三釐六絲四忽七微七塵

池州府貴池等六縣二千九十三兩四錢五分九釐八毫七絲

和州浮沙口等巡檢司一千一百二十九兩八錢一分一釐六絲一忽五塵

儀真衛一十六兩七錢三分三釐九毫二絲一忽九微

九江府湖口等三縣龍門等巡檢司一千一

百十八兩七錢六分六釐七毫九絲

九江衛一百八十四兩七錢二分五釐四毫

五絲

南昌衛一百六十三兩六錢八分二釐七毫

二絲

黃州府黃梅等縣二十六兩三錢四分九釐

二毫

蘄州衛三百四兩七錢七分四毫八絲

凡南京光祿寺合用柴薪每年呈會本部行龍
江瓦屑壩二抽分局關支應天府僉差坊長二

名督夫運納

凡南京神樂觀樂舞生合用柴薪本部於南京
司禮監關填勘合行龍江抽分竹木局關支

凡南京內外各衙門合用柴炭俱由本司行龍
江瓦屑壩二抽分局關支

計該支柴炭

南京內織染局練染絲料順木長柴雜木段
柴四十萬斤。烘機木炭一萬九千一百七
十斤

南京惜薪司供應

大庖造辦膳羞等項木柴四十萬斤

南京供用庫等衙門打油造酒等項并各衙門內官內使人等燒用江東門等三處飯堂賑濟把柴三百二十二萬四千一百斤。

炭二十萬斤

南京供應機房織挽等匠每月支柴七萬六千三百八十斤。炭七百四十四斤

南京中軍都督府炮煉調治患病軍士藥餌每季柴三千斤。炭二千斤

南京禮部成造曆日木柴一百六十六斤

南京太常寺各項祭祀木柴五萬七千二百斤。五尺圍蘆柴一百三十四束。

犧牲所養牲旗軍九十九名。每名月支柴一百斤。

琉球國就學官生每名日支柴五斤。炭二斤。凡各處解納丁字庫物料俱由本司給單轉送計該納物料。

廬州府生漆一千八百七十五斤。

池州府生漆一千二百五十斤。

漆園生漆一千七百三十六斤一十四兩六

錢

梭園梭毛四千五百四十九斤八兩

以上俱三年一納

桐園桐油二千二百八十一斤四兩六錢

一年一納

凡營繕等司送到上元江寧二縣鋪戶納過各色物料數目係

內府上納者本司會同科道官係本部上納者會同各司掌印官照依時價估計明白動支蘆課等銀給還月給開數呈堂查考

凡營繕等司會支龍江瓦屑壩二抽分局竹木等料俱由本司比對原發號紙及原會數目相同發該局覆查無異方與關支

凡本部料造南京巾帽局起運板箱及造辦南京印綬監起運板箱雨罩等項俱由本司給單送納其中帽局工價於輕齋等銀內支納

凡應天府收買南京內官監供應紙劄南京司禮監年例紙劄俱由本司轉行收買完日仍與給單送納

凡各處查解寶鈔提舉司紙匠俱由本司轉發

遇缺收補。無缺。仍送本司批廻聽候。

凡本部各司類行浙江等布政司并直隸蘇州等府勘合俱由本司承行。

凡四司銀兩嘉靖十二年議准建節慎庫一所收支清查俱同工部。

大明會典卷之二百九

都察院一

都察院

國初置御史臺。從一品衙門。設左右御史大夫。御史中丞。侍御史。治書侍御史。殿中侍御史。經歷。都事。照磨。管勾。監察御史。譯事。引進使等官。洪武十三年。改正二品衙門。止設左右中丞。十四年。改都察院。正七品衙門。止設監察御史。分設浙江。江西。福建。北平。廣西。四川。山東。廣東。河南。陝西。湖廣。山西。十二道。鑄監察御史印。文曰繩愆糾繆。十六年。陞正三品衙門。設司務。十七年。

始定為正二品衙門。設左右都御史。御史左右副都御史。左右僉都御史。經歷。都事。十二道監察御史。二十九年。置照磨所。照磨。檢校。永樂元年。改北平道為北京道。十九年。北京道革。添設貴州。交趾雲南。三道。宣德十年。交趾道革。定為十三道。

風憲總例

在京都察院。及十三道在外按察司。俱稱風憲衙門。以肅政飭法為職。見諸司職掌。及正統中所定憲綱條例。甚備。各以類分列。其通行難附。

者載此

洪武二十六年定

左右都御史副都御史僉都御史職專糾劾百
司辯明冤枉提督各道及一應不公不法等事
其屬有十二道監察御史凡遇刑名各照道分
送問發落其有差委監察御史出巡追問審理
刷卷等事各具事目請

旨點差

正統四年定

凡都察院并監察御史按察司綱紀所繫其任

非輕。行事之際。一應諸衙門官員人等。不許挾私沮壞。違者杖八十。若有干礙合問人數。敢無故占愆不發者。與犯人同罪。

凡都察院官及監察御史按察司官吏人等。不許於各衙門囑託公事。違者比常人加三等。有贓者從重論。

凡監察御史行過文卷。從都察院磨勘。按察分司行過文卷。聽總司磨勘。如有遲錯。即便舉正。中間果有枉問事理。應請

旨者。具實奏聞。

凡監察御史按察司官巡歷去處所問公事有擬斷不當者都察院按察總司隨即改正當該吏典罪之如律仍將原問御史及分司官擬斷不當事理具奏得

旨方許取問

凡告有司官吏人等取受或出首贓私等事直隸赴巡按監察御史在外赴按察司并分司及巡按監察御史處陳告追問明白依律施行其應請

旨者奏聞拏問若軍官有犯在京從都察院在外從

巡按監察御史按察司并分司密切奏請施行。
其各都司及衛所首領官有犯。即便拏問。
凡監察御史按察司官巡歷去處。所聞有司等
官守法奉公。廉能昭著。隨即舉聞。若奸貪廢事。
蠹政害民者。即便拏問。其應請。

旨者。具實奏聞。若知善不舉。見惡不拏。救一百發煙
瘴地面安置。有賊從重論。

凡

國家政令得失。軍民利病。一切興利除害等事。並
聽監察御史按察司官各陳所見。直言無隱。若

建言創行事理。必須公同評議。互相可否。務在得宜。方許實封陳奏。

凡按察司官斷理不公不法等事。果有冤枉者。許赴巡按監察御史處聲寃。監察御史枉問。許赴通政司遞狀。送都察院伸理。都察院不與理斷。或枉問者。許擊登聞鼓陳訴。

凡都察院及按察司吏典。須於考退生員與應取吏員相參補用。不許用曾犯奸貪罪名之人。凡都察院合用筆墨心紅。具奏劄付京府。按察司合用筆墨心紅紙劄。待移附郭府分。監察御

吏按察分司。巡歷去處。合用紙筆硃墨燈油紙炭。行移所在。有司並支給。官鈔收買應用。具實銷算。

督撫建置

國初遣尚書侍郎都御史少卿等官。巡撫各處地方。事畢復

命。或即停遣。初名巡撫。或名鎮守。後以鎮守侍郎與巡按御史不相統屬。又文移往來亦多窒礙。定為都御史巡撫。兼軍務者加提督。有總兵地方加贊理。管糧餉者加總督。兼理他如整飭邊備。

提督邊關及撫治流民總理河道等項皆因事特設今具列焉其邊境以尚書侍郎任總督軍務者皆兼都御史以便行事

總理漕運兼提督軍務巡撫鳳陽等處兼管河道一員永樂間設漕運武臣至景泰二年因漕運不繼

特命都御史總督與總兵參將同理其事因兼巡撫淮揚廬鳳四府徐和滁三州成化八年分巡撫總漕各設一員九年復舊正德十三年又各設十六年復舊嘉靖三十六年以後

設提督軍務巡撫鳳陽都御史。四十年。會議
歸併。改總督漕運兼督軍務巡撫鳳陽等處
地方。萬曆七年。加兼管河道。

總督薊遼保定等處軍務兼理糧餉一員。先年
薊遼有警。間遣重臣巡視。或稱提督。嘉靖二
十九年。以虜患。始改為總督薊州保定遼東
軍務。鎮巡以下。悉聽節制。三十三年。以密雲
咫尺。

陵京接連黃花渤海。去石塘嶺古北口。牆子嶺各不
滿百里。移總督駐密雲。巡撫駐薊州。防秋之

目改駐昌平。而總督遂定設不革。萬曆九年。加兼巡撫順天等府地方。十一年。除巡撫如舊。

總督宣大山西等處地方軍務兼理糧餉一員。正統元年始遣都御史巡撫宣大。景泰二年。宣大各設巡撫。而遣尚書總理宣大軍務。成化弘治間有警則遣。無事則止。正德八年。設總制一員。鎮巡以下并管糧郎中。俱聽節制。嘉靖間。

命總督官兼督偏保及理糧餉。時設時革。至二十九

年始定設去偏保改山西三十八年。今防秋。目總督領標兵駐宣府東路。巡撫領標兵車兵遊兵駐岔道。四十三年。

命宣大山西總督移駐懷來。以備南山一帶。宣府鎮巡官移駐延慶。山西鎮巡官移駐廣昌。隆慶四年。今總督移駐陽和。六年。

命防秋畢。目各兵備副叅以下文武官悉聽總督官查覈功罪舉劾。

總督陝西三邊軍務一員。弘治十年。議遣重臣總制陝西甘肅延綏寧夏軍務。十五年以後。

或設或革。至嘉靖四年始定設四鎮兵馬錢糧。一應軍務從宜處置。鎮巡以下悉聽節制。軍前不用命者都指揮以下聽以軍法從事。十八年奏准三邊總督於五六月間親臨花馬池調集延寧奇遊等兵赴平虜城等處併力防禦。其陝西巡撫亦於五六月間往固原調度兵食。候探無大勢虜情及秋盡冬初邊腹收成俱畢。方許照常居中調度。巡撫官仍還本鎮。

總督兩廣軍務兼理糧餉帶管鹽法兼巡撫廣

東地方一員。永樂初遣官巡撫廣西。十九年遣官巡撫廣東。至正統景泰間以兩廣宜協濟應援始設總制。成化元年。

命兼巡撫。定於梧州駐劄。處置徭獍流賊。一應事務聽便宜行事。各該將官并三司官悉聽節制。巡撫不復設。正德十一年改總督為提督。嘉靖四十五年以廣東有警。

命總督止兼巡撫廣西。駐肇慶。而于廣東另設巡撫駐惠州。隆慶三年添設廣西巡撫。除兼職。四年復革廣東巡撫。改為提督兩廣軍務兼理。

糧餉巡撫廣東。其廣西新設巡撫。與兩廣總兵參遊守備并三司等官俱聽節制。萬曆二年。以惠潮有寇。暫移提督駐潮州。事平復歸肇慶。三年。仍改總督加帶管鹽法。

總理糧儲提督軍務兼巡撫應天等府地方一員。永樂初。遣尚書往江南治水患。兼理農務。十九年。

勅尚書巡撫畿甸。然未有專設。宣德五年。

命侍郎總督稅糧兼巡撫應天等府。始有專職。至景泰四年。定遣都御史。嘉靖三十三年。以倭警。

令應天巡撫都御史提督軍務。當風汛時。駐劄蘇州。嚴督防守。

提督軍務巡撫浙江等處地方一員。永樂初。遣尚書治兩浙農事。以後或巡視。或督餉。有事則遣無定設。至嘉靖二十六年。以海警始

命都御史巡撫浙江。兼管福建。福興建寧。漳泉海道地方。提督軍務。二十七年。改巡撫為巡視。二十八年。停遣。三十一年。復遣僉都提督軍務巡視浙江。兼管福興泉漳地方。三十三年。倭夷入犯杭州。

先命尚書提督浙江福建南直隸軍務。又專設都御史提督軍務。巡撫浙江。兼福興泉漳地方。其提督三省者。改總督。至兼節制江西。後罷。至四十一年。止設提督軍務。巡撫浙江都御史。提督軍務。兼巡撫福建地方一員。永樂間遣侍郎巡視。以後或鎮守。或督軍。以事間遣。至嘉靖二十六年始。

命都御史巡撫浙江。兼管福興建寧漳泉等處。三十五年。以閩浙道遠。專設提督軍務。兼巡視福興泉漳福寧海道都御史。仍聽總督節制。後

改巡撫福建地方。統轄全省。四十年。總督亦罷。其南贛軍門所轄汀州一府。仍兩屬。

巡撫江西地方。兼理軍務一員。永樂十九年。

勅工部侍郎巡視。以後間遣鎮守巡撫。成化以後始定為巡撫。然或時革。嘉靖六年始定設。四十年。定今銜。

巡撫南贛汀韶等處地方。提督軍務一員。弘治十年。閩廣湖湘之間多盜。始設巡撫。所轄則江西之南安贛州建昌福建之汀州廣東之潮州南雄湖廣之郴州。四省三司。皆聽節制。

駐劄贛州。尋增隸韶州。漳州。除建昌。正德十一年。改提督軍務。嘉靖八年。以吉安之萬安。龍泉。泰和。永豐。永寧。撫州之樂安。增轄。四十五年。福建廣東並設巡撫。以惠潮漳州三府還隸本處。定今名。所轄南安。贛州。南雄。韶州。汀州。并郴州地方。

巡撫湖廣等處地方。兼提督軍務一員。正統三年。

命都御史鎮守。以後或以侍郎。大理卿出撫。至景泰元年。定設都御史。巡撫湖廣地方。兼贊理軍

務。萬曆八年。改贊理為提督。十二年復為贊理。

提督軍務兼撫治鄖陽等處地方一員。成化十二年。以鄖襄流民。遣都御史安撫。因奏立鄖陽行都司并府衛。割陝西之漢中。商州。河南之南陽。唐鄧。四川之夔。瞿。湖廣之荊襄。安。所設都御史。提督撫治之。至萬曆二年。以本鎮所轄四省撫治事權不專。添提督軍務兼撫治鄖陽等處地方職銜。九年。裁革。

命湖廣巡撫兼理。十一年復設。

巡撫河南等處地方。兼管河道。兼提督軍務一員。宣德五年。遣侍郎巡撫山西河南。正統十四年。

命都御史巡撫河南湖廣。至景泰元年。始專設河南巡撫。萬曆七年。加兼管河道。八年。加提督軍務。

巡撫山東等處地方。督理營田。兼管河道。提督軍務一員。正統五年。遣大理少卿巡撫山東地方。十三年。始定設都御史。嘉靖四十二年。加督理營田。萬曆七年。加兼管河道。八年。加

提督軍務

整飭薊州等處邊備兼巡撫順天等府地方一員。永樂十九年。

命侍郎等官巡行畿甸。正統十四年。

命都御史提督軍務總督糧儲兼巡撫順天永平二府。紫荆倒馬二關。然未有專設。成化二年始設都御史。贊理軍務。巡撫順永二府。後兼撫河間真保定凡五府。七年兼理八府。八年以畿輔地廣。從居庸關中分為二巡撫。其東為整飭薊州等處邊備。巡撫順永二府都御史。

以居庸等關隸之。駐邊化。遂定設。嘉靖二十九年。增設通州昌平易州三都御史。旋議革。惟薊州仍舊。萬曆九年。革。十一年。復設。

巡撫保定等府。提督紫荆等關。兼管河道一員。正統十年。

命侍郎巡撫保定等處。未有專設。成化八年。始從居庸關中分為二巡撫。遂專設都御史。巡撫保定真定河間順德大名廣平六府。提督倒馬紫荆龍泉等關。駐真定。萬曆七年。加兼管河道。

巡撫遼東地方。贊理軍務一員。正統元年。遣都御史巡撫。遂為定制。後加贊理軍務。

巡撫宣府地方。贊理軍務一員。正統元年。

命都御史出巡塞北。凡兵糧邊備。並聽釐正。巡撫之設。自此始。然或兼理大同。不專一鎮。至成化十四年。始定設。後加贊理軍務。

巡撫大同地方。贊理軍務一員。永樂六年。

命都御史出鎮大同。旋罷。正統元年。始與宣府共設。巡撫。至景泰三年。大同始專設。後復兼理。至成化十年。復專設。加贊理軍務。

提督鴈門等關兼巡撫山西地方一員。宣德五年。

命兵部侍郎巡撫河南山西。至正統十三年始

命都御史專撫山西鎮守鴈門。天順成化間暫革。尋復置。嘉靖間給旗牌四面副。隆慶三年令秋冬暫駐寧武關就近調度。定為巡撫山西提督鴈門等關都御史。

巡撫延綏等處贊理軍務一員。宣德十年遣都御史出鎮。而無專設。景泰元年以都御史兼贊軍務。遂為定制。成化九年徙鎮榆林。隆慶

六年加贊理軍務

巡撫寧夏地方贊理軍務一員宣德六年。

命侍郎理陝西甘肅寧夏屯政十年。

命都御史鎮守陝西延綏寧夏等處未有專職正統

元年以都御史鎮撫寧夏地方叅贊軍務整

飭邊備遂為定制天順元年革二年復設去

叅贊軍務隆慶六年加贊理軍務

巡撫陝西地方贊理軍務一員宣德間。

命尚書侍郎出鎮正統間。

命右都御史出入更代鎮守景泰三年改都御史巡

撫遂為定制。成化二年。加提督軍務。後改贊理軍務。

巡撫甘肅等處地方。贊理軍務一員。宣德十年。命侍郎鎮守甘肅地方。正統元年。甘涼多事。

命侍郎叅贊軍務出鎮。於是甘肅以文臣叅贊。遂為定制。景泰元年。定為巡撫都御史。至隆慶六年。改贊理軍務。

提督軍務。巡撫四川等處地方一員。宣德五年。命都御史撫鎮事。寧停遣。正統十四年。遣都御史巡撫四川。遂定設。萬曆十一年。加提督軍務。

巡撫雲南兼建昌畢節等處地方。贊理軍務兼督川貴糧餉一員。正統九年。

命侍郎叅贊軍務。一年始。

命侍郎鎮撫。天順元年革。成化十二年復設。嘉靖三十年。加兼理軍務。四十三年。改贊理。隆慶二年。加兼建昌畢節等處地方。

巡撫貴州。兼督理湖北川東等處地方。提督軍務一員。正統四年。

命都御史出鎮。十四年。以土苗亂。

命侍郎總督軍務。鎮守其地。景泰元年。

大理寺丞巡撫始有專職。成化八年革。十一年復設。正德二年革。五年復設。嘉靖七年設雲貴四川湖廣等處總制撫勦苗蠻土夷事。平。革。二十七年復設。沅州駐劄。四十二年復革。今貴州巡撫兼督湖北川東提督軍務。

巡撫廣西地方一員。廣西舊有巡撫。沿革不常。隆慶元年改總督兩廣都御史兼巡撫廣西地方。三年復設廣西巡撫。

以上俱見在督撫

總制宣大偏關保定等處軍務一員

總督湖廣川貴軍務一員

巡撫鳳陽等處地方一員

總理河漕兼提督軍務一員。永樂九年遣尚書
治河。自後間遣侍郎或都御史。成化弘治間
始稱總督河道。正德四年始定設都御史提
督。駐濟寧。凡漕河事悉聽區處。嘉靖二十年
以都御史加工部職銜提督河南山東直隸
三省河患。隆慶四年加提督軍務。萬曆五年
改總理河漕兼提督軍務。八年革。

總督南京糧儲一員

整飭北直隸山西河南等處軍務糧餉一員

巡撫廣東地方兼督理軍務一員

以上俱嘉靖二十年以前設陸續在補

總督宣大山山西偏保等處軍餉一員

勘處湖廣貴州夷情一員

督理承天工務一員

巡撫浙江兼管福建福興建寧漳泉等處海道

地方提督軍務一員

巡視浙江兼制鄰境福建沿海地方一員

採木左副都御史一員右副都御史一員

經畧居庸山海東西二路關一員

清理兩淮兩浙山東長蘆等處鹽法都御史一

員

淮徐兗州等處地方招撫營田一員

北直隸地方督理屯政一員

山西宣大地方督理屯政一員

經畧易州地方一員

駐守昌平州地方一員

通州駐劄右僉都御史一員

總理江南等處屯鹽副都御史一員

總理江北等處屯鹽僉都御史一員

總理山西等處屯鹽副都御史一員

山西宣大等處行邊侍郎一員

薊遼保定等處行邊侍郎一員

陝西延綏寧夏固原甘肅等處行邊侍郎一員

以上俱嘉靖十九年以後因事題設事畢
任補

永樂十九年

勅大臣十三員各同給事中一員巡行天下○宣

德間令巡撫官每歲八月一赴京議事○五年

定巡撫官赴京議事例遼東大同每年一次寧

夏延綏甘肅二年一次俱四月初一日至京。南北直隸及北方腹裏者仍每年一次。四川及南方者亦二年一次。俱八月初一日至京。其二年一次者若果地方寧靖。事有應議者。聽從一年一次。○成化十年免巡撫官赴京議事。○嘉靖三年令各巡撫都御史遇有遷秩或以憂去者。必候代離任。代者亦宜亟往。如違言官劾奏。○隆慶二年題准。凡遇推補督撫員缺。吏部移咨兵部。差人齎文前去。如以別官陞遷巡撫及在原籍起用者。限文到五日。以巡撫陞總督者。限

交代次日。即各起程赴任。仍將起程日期。于所在衙門申報。各巡按具奏。如咨文已到。不即起程。或已交代。未便離任。或未交代。擅自回籍者。並叅治。○萬曆三年題准。文到之日。限半月以裏起程赴任。

各道分隸

國初設十二道監察御史。照刷卷宗。衙門各有分屬。具載諸司職掌。後定為十三道。各理本布政司及帶管。

內府監局在京各衙門直隸府州衛所刑名等事。

今具列帶管衙門于後。其本布政司及王府衙門各都司行都司行太僕寺苑馬寺鹽運市舶宣慰長官等司在各布政司境內者不復書

浙江道

中軍都督府

茂陵衛

留守中衛

府軍左衛

廣洋衛

神策衛

金吾左衛

金吾右衛

金吾前衛

舊隸北平道

和陽衛

武功中衛

武功後衛

應天衛

直隸廬州府

廬州衛

六安衛

牧馬千戶所

江西道

前軍都督府

豹韜衛

府軍前衛

天策衛

寬河衛

龍驤衛

燕山左衛

永清衛

龍江左衛

龍江右衛

直隸淮安府

直隸武清衛

直隸邳州衛

九江衛

大河衛

淮安衛

龍門衛

福建道

印造局

抄紙局

寶鈔提舉司

承運庫

行用庫

廣盈庫

贓罰庫

供用庫

甲字庫

乙字庫

丙字庫

丁字庫

戊字庫

軍儲庫

廣惠庫

廣積庫

天財庫

長安等九門

駙馬府

戶部

獻陵衛

景陵衛

裕陵衛

泰陵衛

武功左衛

武功右衛

武功前衛

武成中衛

金吾後衛

直隸常州府

池州府

定邊衛

開平中屯衛

美峪千戶所

四川道

御用監

司設監

都知監

尚衣監

神宮監

軍器局

皮作局

寶源局

鞍轡局

織染局

鍼工局

兵仗局

巾帽局

器皿局

盔甲局

銀作局

柴炭局

抽分竹木局

惜薪司

工部

營繕所

文思院

僧道錄司

永清左衛

大寧前衛

府軍衛

濟州衛

蔚州左衛

神木千戶所

蕃牧千戶所

直隸松江府

廣德州

直隸金山衛

懷來衛

懷安衛

陝西道

大理寺

行人司

後軍都督府

康陵衛

昭陵衛

府軍後衛

義勇右衛

鷹揚衛

橫海衛

興武衛

江陰衛

直隸和州

敢勇營

報效營

保定左衛

保定右衛

保定中衛

保定前衛

雲南道

順天府

羽林前衛

直隸永平府

廣平府

直隸延慶衛

延慶左衛

延慶右衛

山海衛

永平衛

營州左屯衛

營州右屯衛

營州中屯衛

營州前屯衛

營州後屯衛

涿鹿衛

涿鹿左衛

涿鹿中衛

盧龍衛

通州衛

通州左衛

通州右衛

密雲中衛

密雲後衛

馬蘭谷營

萬全左衛

萬全右衛

東勝左衛

東勝右衛

撫軍衛

大同中屯衛

居庸關

黃花鎮千戶所

寬河千戶所

武定千戶所

河南道

司禮監

尚膳監

尚寶監

直殿監

酒醋麪局

尚寶司

中書舍人

鐘鼓司

禮部

翰林院

都察院

國子監

光祿寺

太常寺

鴻臚寺

太醫院

欽天監

教坊司

彭城衛

羽林左衛

留守前衛

留守後衛

神武左衛

神武右衛

神武前衛

兩淮鹽運司

直隸揚州府

大名府

揚州衛

儀真衛

高郵衛

歸德衛

潼關衛

寧山衛

泰州千戶所

通州千戶所

汝寧千戶所

廣西道

六科

通政司

燕山前衛

燕山右衛

忠義前衛

忠義後衛

富峪衛

大興左衛

瀋陽左衛

會州衛

鎮南衛

武驤左衛

騰驤左衛

騰驤右衛

直隸徽州府

真定府

保定府

安慶府

紫荆關

倒馬關

安慶衛

新安衛

真定衛

鎮武衛

廣昌千戶所

廣東道

刑部

應天府

南京錦衣衛

孝陵衛

長陵衛

虎賁左衛

瀋陽右衛

濟陽衛

武功左衛

武功右衛

武驤右衛

直隸隆慶州今改定

開平中屯衛

山西道

左軍都督府

錦衣衛

留守左衛

義勇前衛

義勇後衛

兩京驍騎二衛

府軍右衛

大寧中衛

英武衛

兩京龍虎二衛

龍虎左衛

水軍左衛

直隸鎮江府

太平府

鎮江衛

建陽衛

瀋陽中屯衛

平定州千戶所

蒲州千戶所

山東道

御馬監

宗人府

兵部

會同館

大通關

皇陵衛

羽林右衛

永清右衛

濟川衛

瀋陽中衛

皇陵祠祭署

中都留守司

留守左衛

留守中衛

直隸鳳陽府

徐州

滁州

鳳陽衛

鳳陽左衛

鳳陽中衛

長淮衛

懷遠衛

徐州衛

滁州衛

壽州衛

泗州衛

德州衛

德州左衛

宿州衛

武平衛

原隸河南道今改屬本道

沂州衛

保定後衛

長淮關

洪塘湖千戶所

湖廣道

南京都察院

右軍都督府

五城兵馬指揮司

虎賁右衛

留守右衛

忠義右衛

江淮衛

廣武衛

永陵衛

興都留守司

武德衛

直隸寧國府

寧國衛

宣州衛

神武中衛

茂山衛

定州衛

水軍右衛

貴州道

內官監

印綬監

吏部 舊隸北平道

太僕寺

上林苑監

旗手衛 舊隸北平道

忠義中衛

長蘆鹽運司

直隸蘇州府

舊隸北平道

順德府

河間府

保安州

萬全都司

大寧都司

鎮朔衛

遵化衛

蘇州衛

太倉衛

鎮海衛

薊州衛

天津衛

天津左衛

天津右衛

河間衛

興州左屯衛

興州右屯衛

興州中屯衛

興州前屯衛

興州後屯衛

永寧衛

保安衛

宣府左衛

宣府右衛

宣府前衛

蔚州衛

保安右衛

開平衛

原隸湖廣道
今改屬本道

宣府五路

滄州千戶所

吳淞江千戶所

嘉興千戶所

梁城千戶所

龍門千戶所

長安千戶所

興和千戶所

原隸廣西道今改屬本道

糾劾官邪

洪武二十六年定凡文武大臣果係姦邪小人構黨為非擅作威福紊亂朝政致令

聖澤不宣災異迭見但有見聞不避權貴具奏彈劾

○凡百官有司才不勝任猥瑣闕茸善政無聞

肆貪壞法者隨即糾劾○凡在外有司擾害善

良貪贓壞法致令田野荒蕪民人受害體訪得

實具奏提問○凡學術不正之徒上書陳言變

亂成憲希求進用。或才德無可稱述而挺身自
拔者。隨即糾劾以戒奔競。○正統四年定凡風
憲任紀綱之重。為耳目之司。內外大小衙門官
員。但有不公不法等事。在內從監察御史。在外
從按察司糾舉。其糾舉之事。須要明著年月。指
陳實跡。明白具奏。若係機密重事實封。

御前開拆。並不許虛文泛言。若挾私搜求細事。及糾
言不實者。抵罪。○凡糾舉官員生殺予奪。悉聽
上命。若已有

旨發落。不許再劾。○凡都察院按察司堂上官及首

領官各道監察御史吏典。但有不公不法及曠職廢事。貪淫暴橫者。許互相糾舉。毋得徇私容蔽。其所糾舉。并要明具實跡。奏請按問明白。窮奏區處。其有挾私妄奏者。抵罪。○正德元年。令凡不公不法之事。奉有

明旨。令科道官記著者。務要即時糾舉。不許隱匿遺漏。○十四年。令撫按官不許互相薦舉。如有不公不法。仍照憲綱互相糾劾。○嘉靖二十七年。題准。凡巡按御史彈劾三司不職。按察司官亦得糾巡按失職。不許科道官挾私報復。巡按清

軍巡鹽刷卷御史同事地方。固宜同寅協恭。亦要互相糾察。以清憲體。

考覈司官

凡在外布政司按察司并鹽運司苑馬寺行太僕寺。在內順天府五品以下堂上官考滿赴部俱從本院考覈。

凡在京各衙門郎中員外郎主事等官及直隸府州等官各衛所首領官在外按察司首領官考滿本院俱發河南道考覈。各出考語牒送吏部該司候考。

凡在外司府州縣等衙門官每三年朝覲吏部會同本院考察在京五品以下官六年一次吏部會本院并各該衙門掌印官及堂上官考察凡天下諸司官三年朝覲除考察黜退外其存留官員公事未完等項大班露章

面劾

凡京官五品以下六年一次考察及四品以上自陳有遺漏者科道糾舉

洪武元年

洪武元年

詔御史臺監察御史提刑按察司耳目之寄肅清
百司。今後慎選賢良方正之人。以副朕意。合行
事宜。仰中書省御史臺集議舉行。○宣德三年
令都察院選進士監生教官堪任御史者。於各
道歷政三箇月。考其賢否。第為三等。上中二等
授御史。下等送回吏部。○正統四年。令凡都察
院各道監察御史。并首領官。按察司官。并首領
官。自今務得公明廉重老成歷練之人。奏請除
授。不許以新進初仕。及知印承差吏典出身人
員充用。○又令御史缺。從吏部於進士監生教

官儒士出身。曾歷一任者。選送都察院。理刑半年。考試。除授。○六年奏准。凡御史員缺。於行人。博士。知縣。推官。斷事。理問。及各衙門。司務。各按察司。首領官。進士。監生出身。一考兩考者。吏部揀選。送院。問刑。半年。堂上官。考試。除授。○景泰六年奏准。進士。年三十以上。并歷事。聽選。監生。原係舉人者。及考滿在部。教官。該陞者。通取赴吏部。考選。試職。一年滿日。仍從本院。堂上官。考察。實授。不堪用者。送回吏部。別用。○成化十年。令御史缺。選進士。年三十以上者。問刑。半年。考

試除授博士行人。推官知縣。無選。仍試職。○三
十年奏准。試監察御史。一年已滿。刑名未熟。再
試半年。仍前考試。實授。○弘治元年奏准。行人
知縣等官。送都察院理刑半年滿日。聽本院考
察。各註考語。連人送吏部查照選用。○六年奏
准。御史員缺。不必限定幾年一次行取。但缺至
八員以上。會同吏部考選。照原職分送理刑。或
理刑半年。或試職一年。本院仍考其堪任者。除
授。○嘉靖三年題准。試御史丁憂復任。不預會
考者。雖未及半年。題請實授。○六年奏准。御史

有缺兼取主事評事資望相應者考補○二十
五年題准兼取南京國子監太常寺博士等官
考補○隆慶四年題准取歷俸將及三年中書
行人併已及三年博士助教等官及各部員外
郎主事選改○萬曆二年令各部員外郎不准
改授御史○三年令試御史務照舊例一年滿
日方考實授